

სს „საქართველოს სახელმწიფო ელექტროსისტემის“ მიერ, სერვერისთვის საჭირო მოწყობილობებისა და აქსესუარების (თანმდევი მომსახურებით) ელექტრონული ტენდერის (SPA) მეშვეობით შესყიდვის მიზნით, მუდმივმოქმედი სატენდერო კომისიის სხდომის

ოქმი #1

ქ. თბილისი,

16 სექტემბერი 2022 წ.

სატენდერო კომისიის სხდომას ესწრებოდნენ:

1. კომისიის თავმჯდომარე - გიორგი გელაშვილი;
2. კომისიის წევრი - გელა კეზუა;
3. კომისიის წევრი - ნოდარი ქუბრიაშვილი;
4. კომისიის წევრი - დავით ბენიძე;
5. კომისიის წევრი - ლაშა შენგელია;
6. კომისიის აპარატის წევრი - ცირა რუხაძე.

სატენდერო კომისიის სხდომას არ ესწრებოდა:

1. კომისიის თავმჯდომარის მოადგილე - მურთაზ სიჭინავა.

დღის წესრიგი:

სს „საქართველოს სახელმწიფო ელექტროსისტემის“ მიერ, სერვერისთვის საჭირო მოწყობილობებისა და აქსესუარების (თანმდევი მომსახურებით) (CPV-48800000 - საინფორმაციო სისტემები და სერვერები;) ელექტრონული ტენდერის (SPA) მეშვეობით შესყიდვის მიზნით, სატენდერო განცხადებისა და ელექტრონულად შევსებული სატენდერო დოკუმენტაციის კითხვარის (პირობების) პროექტის განხილვა და დამტკიცება.

განხილვა:

1. სატენდერო კომისიამ მოისმინა ინფორმაცია მიმდინარე შესყიდვასთან დაკავშირებით, კერძოდ:
 - სს „სსე“-ს SCADA-ს და საინფორმაციო ტექნოლოგიების დეპარტამენტის 2022 წლის 12 სექტემბრის N13954 და 04 აგვისტოს N11967 მოხსენებითი ბარათი, სამსახურებრივი საჭიროებიდან გამომდინარე სს „საქართველოს სახელმწიფო ელექტროსისტემის“ მიერ, სერვერისთვის საჭირო მოწყობილობებისა და აქსესუარების (თანმდევი მომსახურებით) შესყიდვის შესახებ;
 - სსე-ს შესყიდვების დეპარტამენტის ბაზრის კვლევისა და ბიუჯეტირების სამსახურის 2022 წლის 04 აგვისტოს N11919 და 09 აგვისტოს N12177 სამსახურებრივი ბარათები, რომლის მიხედვითაც, შესყიდვის ობიექტის ტექნიკური სპეციფიკაცია მისი სავარაუდო ღირებულების დადგენის მიზნით გადაეგზავნა ბაზარზე ოპერირებად 7 (შვიდი) პოტენციურ მიმწოდებელს. განცხადება ბაზრის კვლევის შესახებ ასევე გამოქვეყნებულ იქნა სსიპ - სახელმწიფო შესყიდვების სააგენტოს ოფიციალურ ვებ-გვერდზე. კომერციული წინადადება წარმოადგინა 4 (ოთხმა) კომპანიამ. ბაზრის კვლევის შედეგად მოწოდებული ფასების განხილვის შემდგომ, რაციონალურობის პრინციპის საფუძველზე განისაზღვრა შესყიდვის ობიექტის სავარაუდო ღირებულება - 3 992 896,00 ლარი დღგ-ს ჩათვლით, 3 383 810,00 ლარი დღგ-ს გარეშე. დაფინანსების წყარო - 2022 წლის ბიუჯეტი (საკუთარი სახსრები).
2. სატენდერო კომისიამ განიხილა ზემოაღნიშნული ინფორმაცია და სახელმწიფო შესყიდვების ერთიან ელექტრონულ სისტემაში გენერირებული სატენდერო განცხადებისა და ელექტრონულად შევსებული სატენდერო დოკუმენტაციის კითხვარის (პირობების) პროექტი.

სატენდერო კომისიამ დაადგინა:

1. „სახელმწიფო შესყიდვების შესახებ“ საქართველოს კანონის მე-12¹ მუხლის მე-4 პუნქტის შესაბამისად დამტკიცებულ იქნას სახელმწიფო შესყიდვების ერთიან ელექტრონულ სისტემაში გენერირებული სატენდერო განცხადებისა და ელექტრონულად შევსებული სატენდერო დოკუმენტაციის კითხვარი (პირობები);

2. „სახელმწიფო შესყიდვების შესახებ“ საქართველოს კანონის მე-12¹ მუხლის მე-2 პუნქტისა და „ელექტრონული ტენდერის ჩატარების წესის დამტკიცების შესახებ“ სსიპ სახელმწიფო შესყიდვების სააგენტოს თავმჯდომარის 2017 წლის 14 ივნისის #12 ბრძანებით დამტკიცებული წესის მე-16 და მე-17 მუხლების შესაბამისად, ელექტრონული ტენდერის ჩატარების შესახებ სატენდერო განცხადება გამოქვეყნდეს ქართულ და ინგლისურ ენაზე, ხოლო ელექტრონულად შევსებული სატენდერო დოკუმენტაციის კითხვარი (პირობები) გამოქვეყნდეს ქართულ ენაზე სახელმწიფო შესყიდვების ერთიან ელექტრონული სისტემაში (<https://tenders.procurement.gov.ge>);
3. დამტკიცების შემდგომ დაევალოს სატენდერო კომისიის აპარატის წევრს უზრუნველყოს სატენდერო კომისიის სხდომის ოქმის ხელმოწერისთანავე ატვირთვა სახელმწიფო შესყიდვების ერთიან ელექტრონულ სისტემაში (<https://tenders.procurement.gov.ge>);
4. აღნიშნული გადაწყვეტილების გასაჩივრება შესაძლებელია სახელმწიფო შესყიდვების ერთიანი ელექტრონული სისტემის შესაბამის ველში არსებული სისტემური ღილაკის მეშვეობით (<https://tenders.procurement.gov.ge/>).

სატენდერო კომისია:

1. კომისიის თავმჯდომარე - გიორგი გელაშვილი;
2. კომისიის წევრი - გელა კეზუა;
3. კომისიის წევრი - ნოდარი ქუბრიაშვილი;
4. კომისიის წევრი - დავით ბენიძე;
5. კომისიის წევრი - ლაშა შენგელია;

სატენდერო კომისიის აპარატის წევრი:

1. ცირა რუხაძე.

